

BOSNA I HERCEGOVINA  
FEDERACIJA BOSNE I HERCEGOVINE

ZENIČKO-DOBOJSKI KANTON

MINISTARSTVO ZA POLJOPRIVREDU,  
ŠUMARSTVO I VODOPRIVREDU



***PROGRAM***

*utroška sredstava Budžeta Zeničko-dobojskog kantona  
za zdravstvenu zaštitu životinja u 2018. godini*

Zenica, april 2018. godine

## Podaci o programu

Program je usvojen:	na 142. sjednici Vlade Zeničko-dobojskog kantona održanoj 25.04.2018. godine.
Period realizacije Programa:	Mjere zdravstvene zaštite životinja iz Programa koje budu provedene u periodu od 01.01. do 31.12. 2018. godine. U ovom periodu izvršit će se i isplata naknade štete za ubijene životinje u 2017. godini i zaostala potraživanja po osnovu provođenja mjera prevencije, suzbijanja i iskorjenjivanja zaraznih bolesti u 2017. godini.
Ukupna vrijednost Programa:	250.000,00 KM
Namjena Programa:	Zdravstvena zaštita životinja
Korisnici Programa:	Veterinarske stanice, poljoprivredni proizvođači - vlasnici životinja, općine, Grad;
Izvor sredstava:	Budžet Zeničko-dobojskog kantona za 2018. godinu, Ministarstvo za poljoprivredu, šumarstvo i vodoprivredu, " Subvencije - veterinarstvo" i Zakon o izvršavanju Budžeta Zeničko-dobojskog kantona za 2018. godinu ("Službene novine Zeničko- dobojskog kantona", broj: 1/18)
Odgovorna osoba:	Himzo Smajić, ministar

## I UVOD

Odredbama Zakona o veterinarstvu ("Službene novine Federacije BiH", broj: 46/00) propisano je da se određene mjere zdravstvene zaštite životinja finansiraju iz budžeta kantona. Shodno tome predložen je Program utroška sredstava budžeta Zeničko-dobojskog kantona za zdravstvenu zaštitu životinja u 2018. godini (u daljem tekstu: Program).

Za realizaciju ovog Programu planirana su sredstva u iznosu od 250.000 KM.

U izradi Programa korišteni su slijedeći parametri:

- Epizootiološka situacija na području Zeničko-dobojskog kantona (u daljem tekstu: Kanton)
- Zakonske obaveze i
- Kontinuitet preventivnih mjera,

Prilikom izrade Programa vodilo se računa o harmonizaciji Programa zdravstvene zaštite životinja Federalnog ministarstva poljoprivrede, vodoprivrede i šumarstva i Ministarstva za poljoprivredu, šumarstvo i vodoprivredu Zeničko-dobojskog kantona.

## II AKTIVNOSTI PROGRAMA ZDRAVSTVENE ZAŠTITE ŽIVOTINJA

Na osnovu trenutne situacije u pogledu stanja i kretanja zaraznih bolesti domaćih životinja na području Zeničko-dobojskog kantona, na temelju odredbi Zakona o veterinarstvu i u skladu sa raspoloživim sredstvima Budžeta Zeničko-dobojskog kantona za 2018.godinu, planira se utrošak sredstava za provođenje slijedećih aktivnosti:

1. Preventivna cijepljenja domaćih životinja,
2. Mastitis test muznih krava,
3. Uzimanje uzoraka za ispitivanje Infektivne anemije konja,
4. Klinički pregledi pčela na Američku gnjiloću,
5. Naknada štete za eutanazirane životinje,
6. Pomoć u provođenju Zakona o zaštiti i dobrobiti životinja,
7. Rezerva.

**1. Preventivna cijepljenja domaćih životinja** – radi sprečavanja pojave i iskorjenjivanja određenih zaraznih bolesti životinja od značaja za Kanton, kao što je Crni prišt koji predstavlja opasnost za ljude, te druge bolesti koje mogu nanijeti veće materijalne štete, planira se finansiranje vakcinacije životinja koje su izložene tim bolestima.

- a) Cijepljenje goveda protiv Crnog prišta (Antraks) - Za preventivno cijepljenja goveda u distriktnim područjima Crnog prišta u Kantonu, u skladu sa Programom mjera zdravstvene zaštite životinja i njihovog provođenja u 2018. godini („Službeni glasnik BiH“, broj: 15/18) Ureda za veterinarstvo Bosne i Hercegovine, planira se utrošiti 8.000 KM.
- b) Cijepljenje svinja protiv Kuge svinja – Za preventivno cijepljenje svinja protiv Kuge svinja, u skladu sa Programom mjera zdravstvene zaštite životinja i njihovog provođenja u 2018. godini planira se utrošiti 10.000 KM.

**2. Mastitis test muznih grla** – planira se sufinansiranje proizvođača koji su u sistemu otkupa mlijeka ili su registrovani za preradu mlijeka u vlastitom domaćinstvu, za provedene obavezne mjere koje se provode kod krava u laktaciji, a čije se mlijeko stavlja u javnu potrošnju. Sufinansira se Potvrda o provedenim obaveznim mjerama za krave u laktaciji sa 15,00 KM/grlu. Mjere dijagnostičkog ispitivanja obavljaće registrovane veterinarske stanice na području Kantona. Pravo na planirana sredstva ostvariće proizvođači preko veterinarskih stanica. Planira se utrošiti 130.000,00 KM.

**3. Uzimanje uzoraka za ispitivanje Infektivne anemije konja** – Za uzimanje uzorka krvi od svih konja na području Kantona, radi ispitivanja na prisustvo bolesti Infektivna anemija konja koja je od značaja za Kanton, planira se utrošiti 5.000,00 KM.

**4. Klinički pregledi pčela na Američku gnjiloću pčelinjeg legla** – Za ispitivanje prisustva zarazne bolesti pčela – Američka gnjiloća pčelinjeg legla, zbog nastanka velikih materijalnih šteta u pčelinjacima, planira se provesti klinički pregled svih pčelinjaka kod pčelara sa područja Kantona, kako je propisano Programom mjera zdravstvene zaštite životinja i njihovog provođenja u 2018 godini Ureda za veterinarstvo Bosne i Hercegovine. Planira se utrošiti 30.000,00 KM.

**5. Naknada štete za eutanazirane životinje** - Za eutanazirane životinje i predmete uništene tokom provođenja naređenih mjera, u skladu sa članom 45. i 46. Zakona o veterinarstvu ("Službene novine Federacije BiH", broj: 46/00), plaća se naknada štete vlasnicima. Mjere se provode po naredbi Glavnog federalnog veterinarskog inspektora, a za bolesti pčela po

naredbi kantonalnog veterinarskog inspektora. Naknada štete se namiruje iz Budžeta Kantona i Budžeta Federacije u jednakom iznosu, a iznos naknade štete korisniku utvrđuje Komisija za procjenu tržišne vrijednosti životinja imenovana od Ministra Ministarstva za poljoprivredu, šumarstvo i vodoprivredu Zeničko-dobojskog kantona. U ove svrhe planira se utrošiti 30.000 KM. Planirana sredstva odobravaće se po potrebi i kada se utvrdi kod vlasnika uginuće, kao i u slučajevima vanrednih situacija ili pojave iznenadnih i neočekivanih bolesti.

**6. Pomoć u provođenju Zakona o zaštiti i dobrobiti životinja** – Kao pomoć Općinama/Gradu za provođenje mjera zdravstvene zaštite i dobrobiti životinja koje su definisane odredbama člana 30. Zakona o zaštiti i dobrobiti životinja („Službeni glasnik BiH“, broj: 25/09) i odredbama člana 124. Zakona o veterinarstvu („Službene novine Federacije BiH“, broj: 46/00). Planira se utrošiti iznos od 20.000 KM.

**7. Rezerva** - sredstva rezerve se planiraju u iznosu od 17.000,00 KM. Biće korištena u slučajevima pojave neke nepredviđene zarazne bolesti životinja u toku 2018.godine, u slučaju nedostatka sredstava za neku od aktivnosti iz Programa, odnosno kao sredstva pomoći farmerima koji su pretrpili znatnu materijalnu štetu kao rezultat prirodnih nepogoda.

### **III KRITERIJI ZA RASPODJELU SREDSTAVA**

Odobrena finansijska sredstva ostvariće se iz Budžeta Kantona pod stavkom "Subvencije - veterinarstvo" – budžetska sredstva, a odobravaće se fizičkim i pravnim licima (u daljem tekstu: korisnici) prema slijedećim kriterijima:

#### **A. Opći kriteriji**

Životinje koje budu obuhvaćene mjerama iz ovog Programa zdravstvene zaštite moraju biti propisno obilježene i moraju se voditi u jedinstvenom registru domaćih životinja, u skladu sa Pravilnikom o obaveznom označavanju i upisu u jedinstveni registar ovaca, koza i svinja, te vođenje evidencija („Službene novine FBiH“, broj: 87/07) i Pravilnikom o označavanju i šemi kontrole kretanja životinja u BiH („Službeni glasnik BiH“, broj: 28/03).

#### **B. Posebni kriteriji**

##### **1. Preventivna cijepljenja domaćih životinja**

Raspodjela sredstava za preventivno cijepljenje domaćih životinja izvršiće se na osnovu izvještaja veterinarskih stanica o stanju i kretanju zaraznih bolesti bolesti Crnog prišta i Kuge svinja, trenutne epizootiološke situacije na području Kantona, Federacije i područja cijele BiH.

##### **2. Mastitis test muznih krava**

Životinje koje se ispituju moraju biti propisno obilježene i upisane u jedinstveni registar obilježenih životinja.

##### **3. Uzimanje uzoraka za ispitivanje Infektivne anemije konja**

Životinje koje se ispituju moraju biti identifikovane i obilježene čipom.

##### **4. Klinički pregledi pčela na Američku gnjiloću pčelinjeg legla**

Korisnici sredstava moraju predložiti izjavu datu pod punom materijalnom i krivičnom odgovornošću o broju pčelinjih društava u vlasništvu, ovjerenu kod notara/općini.

#### 5. Naknada štete za eutanazirane životinje

Vlasnici eutanaziranih životinja obavezni su dostaviti dokumentaciju koja je propisana Pravilnikom o postupku isplate nadoknade štete za neškodljivo uklonjene seropozitivne životinje („Službene novine Federacije BiH“, broj: 98/12).

#### 6. Pomoć u provođenju Zakona o zaštiti i dobrobiti životinja

Korisnici sredstava mogu ostvariti pomoć za skloništa životinja koja su u fazi izgradnje što se dokazuje posjedovanjem građevinske dozvole, a za skloništa koja su u upotrebi dostavljanjem dozvole o formiranju skloništa koja je izdata od Općine/Grada.

#### 7. Rezerva

Sredstva će se odobravati prema mogućnostima nakon što se utvrdi da uginuće nije nastupilo kao posljedica nebrige i nemara vlasnika i pod uslovom da je isti postupao po naredbama veterinarskog inspektora, da je imao dobru saradnju i postupao po uputama veterinara. Procjenu vrijednosti i proceduru ostvarivanja prava naknade provodiće Odsjek za veterinarstvo. Sredstva će odobravati Vlada posebnim zaključkom, na prijedlog Ministarstva.

### IV SVRHA PROGRAMA

Svrha ovog Programa je da se nastave započeti i otvore novi procesi u Programu s ciljem da se ostvari:

- a. poboljšanje zdravstvene zaštite životinja,
- b. prevencija zaraznih bolesti domaćih životinja,
- c. suzbijanje i iskorjenjavanje postojećih zaraznih bolesti,
- d. unapređenje rada veterinarske službe,
- e. stvaranje povoljne epizootiološke situacije na području Kantona,
- f. unapređenje veterinarskog javnog zdravstva,
- g. zaštita zdravlja ljudi.

### V IZVORI SREDSTAVA

Izvor sredstava za realizaciju Programa je Budžet Kantona za 2018. godinu ("Službene novine Zeničko-dobojskog kantona", broj: 1/18), u kojem je na stavci "Subvencije - veterinarstvo" – budžetska sredstva, u razdjelu 23., budžetska organizacija 01, potrošačka jedinica 0001, ekonomski kod 614 400, NAD 405 planiran iznos od 250.000,00 KM.

Navedeni iznos sredstava će se realizovati u skladu sa punjenjem Budžeta Kantona za 2018. godinu, a na bazi mjesečnih operativnih planova.

### VI KORISNICI SREDSTAVA

Korisnici sredstava su fizička i pravna lica koja ispunjavaju kriterije iz ovog Programa (vlasnici životinja, dijagnostičke ustanove, veterinarske stanice,

*Tabelarni prikaz Programa zdravstvene zaštite za 2018. godinu*

R/B	Naziv	Iznos u KM
1.	Preventivna cijepljenja domaćih životinja,	18.000,00
2.	Mastitis test muznih krava	130.000,00
3.	Uzimanje uzoraka za ispitivanje IAK-a,	5.000,00

4.	Klinički pregledi pčela na Američku gnjiloću pčelinjeg legla	30.000,00
5.	Naknada štete za eutanazirane životinje,	30.000,00
6.	Pomoć u provođenju Zakona o zaštiti i dobrobiti životinja	20.000,00
7.	Rezerva	17.000,00
U K U P N O :		<b>250.000,00</b>

Na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, Vlada Kantona će za svaku planiranu aktivnost ili u slučaju utroška sredstava iz rezerve ovog Programa, posebnim zaključcima ili odlukama odobravati sredstva iz Budžeta Kantona.

Broj: 02- 14-7178 /18.  
Datum, 25.04.2018. godine  
Z e n i c a

DOSTAVLJENO:

- 1x Ministarstvu za poljoprivredu,  
šumarstvo i vodoprivredu,
- 1x Ministarstvu finansija,
- 1x a/a.



PREMIJER

*Miralem Galijašević*